



TEKS UCAPAN

**YBHG. DATO' Sr HAJI ROZALI BIN HAJI MOHAMUD
DATUK BANDAR
MAJLIS BANDARAYA SEBERANG PERAI**

SEMPENA

**MAJLIS PERASMIAN MESYUARAT AGUNG TRI
TAHUNAN ANULAE CAWANGAN SEBERANG
PERAI**

**TARIKH / MASA / TEMPAT
28 OKTOBER 2020 (RABU)
8.30 PAGI**

**DEWAN TAPAK EKSPLO SEBERANG JAYA
SEBERANG JAYA**

Terima kasih Saudara / Saudari Pengacara Majlis

Yang Berhormat Tuan Haji Adnan Bin Mat

Presiden

Kongress Kesatuan Pekerja-Pekerja Di Dalam Perkhidmatan Awam
(CUEPACS)

Merangkap

Timbalan Presiden

Kesatuan Kebangsaan Pekerja-Pekerja Pihak Berkuasa Tempatan
(ANULAE) Semenanjung Malaysia

Yang Berusaha Puan Ir Hj Rosnani Binti Mahmud

Setiausaha Bandaraya

Majlis Bandaraya Seberang Perai

Yang Berusaha Encik Mohd Sabri Bin Mohd Sidik

Pengerusi

Kesatuan Kebangsaan Pekerja-Pekerja Pihak Berkuasa Tempatan
Semenanjung Malaysia (ANULAE)

Cawangan Majlis Bandaraya Seberang Perai

Puan Masitah Binti Mansor

Setiausaha

Kesatuan Kebangsaan Pekerja-Pekerja Pihak Berkuasa Tempatan
Semenanjung Malaysia (ANULAE)

Cawangan Majlis Bandaraya Seberang Perai

Ketua-Ketua Jabatan dan Pegawai-Pegawai Kanan

Majlis Bandaraya Seberang Perai

Ahli-Ahli Jawatankuasa

Kesatuan Kebangsaan Pekerja-Pekerja Pihak Berkuasa Tempatan
Semenanjung Malaysia (ANULAE)

Cawangan Majlis Bandaraya Seberang Perai

Ahli-Ahli

Kesatuan Kebangsaan Pekerja-Pekerja Pihak Berkuasa Tempatan
Semenanjung Malaysia (ANULAE)

Cawangan Majlis Bandaraya Seberang Perai

Rakan - rakan Media

Tuan-Tuan Dan Puan-Puan Yang Dihormati Sekalian

Assalamualaikum Warahmatullahi Wabarakatuh

Salam Sejahtera dan Selamat Pagi.

Alhamdulillah, bersyukur ke hadrat Allah Subhanahu wa Ta'ala kerana dengan limpah kurnia-Nya dan keizinan-Nya kita dapat hadir bersama-sama di Majlis ini pada pagi yang sungguh berbahagia ini.

Terlebih dahulu, saya mengucapkan terima kasih kepada pihak ANULAE Seberang Perai kerana menjemput dan memberi penghormatan kepada saya untuk merasmikan Mesyuarat Agung Tri Tahunan ANULAE Cawangan Seberang Perai yang diadakan di Dewan Tapak Ekspo Seberang Jaya.

Di kesempatan ini juga, saya mengalu-alukan kehadiran Yang Berhormat Tuan Haji Adnan Bin Mat, Presiden Kongress Kesatuan Pekerja-Pekerja Di Dalam Perkhidmatan Awam (CUEPACS) merangkap Timbalan Presiden Kesatuan Kebangsaan Pekerja-Pekerja Pihak Berkuasa Tempatan (ANULAE) Semenanjung Malaysia. Penghargaan dan ucapan terima kasih juga ditujukan kepada kesemua ahli-ahli ANULAE Cawangan Seberang Perai yang hadir dan memberi sokongan dalam Mesyuarat Agung ANULAE ini.

Pada pagi ini, saya sekali lagi merakamkan setinggi-tinggi penghargaan kepada Encik Mohd Tahir Bin Othman, Pengerusi ANULAE yang telah bersara pada 13 Mac 2020. Jasa dan sumbangan anda baik sebagai kakitangan MBSP, mahupun sebagai Pengerusi ANULAE tidak dapat di balas dan hanya Allah yang dapat membalasnya.

Syabas dan tahniah kepada Encik Mohd Sabri Bin Mohd Sidik yang telah menerajui kepimpinan ANULAE Cawangan Seberang Perai dan bersama-sama barisan Ahli Jawatankuasanya berjaya menganjurkan program pada pagi ini. Saya berkeyakinan ANULAE Cawangan Seberang Perai di bawah kepimpinan Encik Mohd Sabri Bin Mohd Sidik akan mengekalkan ANULAE ke satu landasan yang betul di dalam membela nasib warga kerja MBSP.

Yang Berhormat, Tuan-Tuan Dan Puan-Puan Yang Dihormati Sekalian

Kakitangan-kakitangan merupakan aset yang penting yang sentiasa diberi perhatian oleh pihak pengurusan. Tanpa penglibatan dan sokongan mereka, MBSP tidak dapat menempa nama dan terus gemilang menjadi

Pihak Berkuasa Tempatan yang cemerlang. Amalan kerja yang berprestasi tinggi akan menghasilkan impak yang cukup baik di mana permasalahan rakyat dan perbandaran diberi perhatian serius dan diambil tindakan yang sewajarnya. Sesungguhnya jasa dan pengorbanan warga kerja MBSP tidak terbalas dan tetap terpahat di hati. Dalam konteks perkhidmatan awam, MBSP sentiasa menunjukkan keprihatinan dalam menjaga kebajikan dan kepentingan kakitangan MBSP.

Kakitangan MBSP perlu lebih anjal dalam menyampaikan perkhidmatan dan perlu sentiasa berorientasikan kepada keperluan rakyat yang dinamik. Kakitangan MBSP juga perlu bekerja dengan penuh integriti, bekerja dalam pasukan, berinovatif, proaktif dan responsif kepada ekspektasi *stakeholders* MBSP. Kakitangan yang berilmu, berhikmah dan berintegriti adalah sumber kekuatan kepada MBSP untuk menjadi Pihak Berkuasa Tempatan yang terunggul di Malaysia. Oleh itu, MBSP telah memperuntukkan sejumlah RM1.3 juta bagi perbelanjaan untuk Menghadiri Kursus, Seminar dan Peperiksaan serta Lawatan Sambil Belajar di dalam dan luar negara untuk menjadikan modal insan MBSP lebih berketrampilan dan berpengetahuan luas.

Dari segi pengiktirafan kakitangan, pada bulan Julai 2019 sebilangan kakitangan MBSP telah dianugerahkan pingat bersempena sempena Sambutan Hari Ulang Tahun Tuan Yang Terutama Tun Dato' Seri Utama (Dr) Haji Abdul Rahman bin Haji Abbas, Yang Di-Pertua Negeri Pulau Pinang, di mana seorang kakitangan MBSP telah menerima Pingat Bintang Cemerlang Negeri (BCN); enam (6) orang menerima Pingat Jasa Kebaktian (PJK); 11 orang telah menerima Pingat Jasa Masyarakat (PJM); dan tiga (3) orang menerima Pingat Bakti Setia (PBS).

Tahniah juga diucapkan kepada 92 kakitangan MBSP yang telah diberikan Anugerah Pekerja Contoh 2019 pada 19 September 2020, sempena Sambutan Tahun Pertama Pengiktirafan Bandaraya. Di samping itu, seramai 293 kakitangan pelbagai peringkat telah menerima Anugerah Perkhimdatan Cemerlang 2019 pada 19 Februari 2020. Penerimaan pingat dan anugerah adalah atas semua usaha keras tuan-tuan dan puan-puan selama ini kepada rakyat Seberang Perai. Jangan lunturkan semangat anda, teruskan bekerja dengan dedikasi dan disiplin. Saya juga berharap agar tuan-tuan dan puan-puan dapat menjadi pendorong kepada rakan-rakan yang lain untuk turut sama menjadi kakitangan yang hebat.

Yang Berhormat, Tuan-Tuan Dan Puan-Puan Yang Dihormati Sekalian

Kesatuan Kebangsaan Pekerja-Pekerja Pihak Berkuasa Tempatan atau *Amalgamated National Union Local Authorities Employees* (ANULAE) Seberang Perai MBSP mempunyai keahlian seramai 1,410 orang dan salah satu peranan ANULAE adalah mengemukakan permasalahan kakitangan-kakitangan MBSP kepada pihak pengurusan melalui Mesyuarat Majlis Bersama Jabatan (MBJ). Mesyuarat MBJ diadakan empat (4) kali setahun dan dari tahun 2018 sehingga 2020 sebanyak 37 isu telah dibangkitkan dalam MBJ. Atas dasar keprihatinan terhadap kehendak warga kerja MBSP, banyak isu telah diselesaikan. di mana 35 isu telah berjaya diselesaikan, manakala dua (2) isu masih lagi dalam tindakan penyelesaian. Mesyuarat MBJ seterusnya adalah dicadangkan untuk diadakan di luar pejabat dan berkemungkinan diadakan di bahagian pulau.

Kebajikan kakitangan MBSP amat dititikberatkan dan di bawah Keutamaan Teras 7 iaitu Kesejahteraan Kakitangan dan melalui perbincangan dengan ANULAE, MBSP telah menyediakan pelbagai kemudahan bagi meringankan beban kewangan kakitangan yang menghadapi masalah kesihatan dan memerlukan rawatan berterusan:-

- i. MBSP menyediakan kemudahan perubatan yang merangkumi perbelanjaan rawatan jantung di Institut Jantung Negara (IJN), rawatan hemodialisis sepanjang tempoh perkhidmatan untuk kakitangan kontrak dan sepanjang hayat bagi kakitangan tetap dan berpencen, pembelian alat orthopedik, alat bantuan pendengaran bagi pekerja OKU, ubat-ubatan, alat bantuan penglihatan dan rawatan pakar.

- ii. Kemudahan perbelanjaan rawatan hemodialisis juga diberikan kepada ibu bapa kakitangan yang masih berkhidmat.

- iii. Bagi rawatan kesihatan pekerja dan ahli keluarga, kemudahan Klinik Panel disediakan kepada kakitangan bujang dan kakitangan berkeluarga. Mulai tahun 2020, kemudahan rawatan klinik panel dinaikkan sebanyak RM400.00 bagi Ahli Majlis dan kakitangan berkeluarga menjadikan had kelayakan tahunan meningkat daripada RM600.00 kepada RM1,000.00 setahun manakala bagi Ahli Majlis dan kakitangan yang belum berkeluarga dinaikkan sebanyak RM150.00 menjadikan had kelayakan meningkat daripada RM250.00 kepada RM400.00

setahun. Bagi kakitangan yang suami dan isteri berkhidmat di MBSP, had kelayakan tahunan dinaikkan daripada RM600.00 kepada RM1,400.00 setahun.

- iv. Kemudahan rawatan menggunakan Klinik Panel juga termasuk rawatan pergigian dan elaun perubatan klinik juga diperluaskan kepada ibubapa kakitangan.
- v. Bayaran balik pembelian kaca mata bagi kakitangan yang mempunyai masalah penglihatan dan rawatan kepada anak-anak kakitangan di klinik pakar kanak-kanak
- vi. Pemberian suntikan *anti-tetanus* kepada kakitangan yang berisiko.

Walau bagaimanapun, saya ingin menyeru semua kakitangan agar mengamalkan gaya hidup sihat agar perkhidmatan kepada rakyat Seberang Perai dapat diberi dengan lebih cemerlang.

Mulai tahun 2021, MBSP menyediakan Bayaran Pampasan (*Ex-Gratia*) kepada pekerja yang terlibat dalam kemalangan semasa bertugas. Faedah di bawah skim ini diberikan hanya bagi bencana kerja yang mengakibatkan kematian atau Hilang Upaya Kekal (HUK).

Yang Berhormat, Tuan-Tuan Dan Puan-Puan Yang Dihormati Sekalian

Faedah-faedah lain yang telah dan sedang diusahakan oleh MBSP untuk kebajikan warga kerja MBSP adalah:-

- i. Mempromosi *Housing Democracy* dalam pemilikan rumah bagi setiap pekerja dengan mengadakan program *match making* di antara institusi perbankan, pemaju perumahan dan pekerja.
- ii. Bercadang untuk mewujudkan koperasi untuk memasarkan barangan *upcycle* yg dihasilkan oleh wira-wira orange.
- iii. Menyediakan *shuttle service* dari stesen keretapi Bukit Metajam, Bukit Tengah dan Butterworth kepada kakitangan yang menggunakan perkhidmatan Komuter Kenderaan Majlis.

iv. Lanjutan daripada Pandemik COVID-19, MBSP telah meluluskan pelaksanaan Inisiatif Bekerja Dari Rumah (*Remote Workforce Initiative*) kepada pegawai dan kakitangan MBSP yang dikuatkuasakan pada setiap Hari Jumaat mulai 2 Oktober 2020. Inisiatif Bekerja Dari Rumah adalah satu kaedah yang membolehkan pekerja melaksanakan semua tanggungjawab tugas dari luar pejabat tanpa menjejaskan fungsi dan struktur MBSP. Maksimum pegawai dan kakitangan yang terlibat dalam inisiatif ini adalah pada tahap 50% daripada jumlah keseluruhan pegawai dan kakitangan di jabatan masing-masing.

Kerajaan Negeri Pulau Pinang juga sentiasa prihatin dengan keperluan penjawat awam dan mengharapkan agar agensi mahupun jabatan kerajaan, terutamanya Pihak Berkuasa Tempatan akan sentiasa peka dengan masalah yang berlaku di bawah bidang kuasa jabatan masing-masing. Ada berita yang menggembirakan seluruh penjawat awam di bawah Kerajaan Negeri Pulau Pinang di mana Ketua Menteri telah mengumumkan pemberian bonus setengah bulan gaji atau minimum RM1,000.00 untuk semua penjawat awam di negeri itu termasuk kakitangan MBSP.

Yang Berhormat, Tuan-Tuan Dan Puan-Puan Yang Dihormati Sekalian

Kita semua sebagai penjawat awam harus menyedari bahawa cabaran kerja pada masa kini amat berbeza sekali berbanding cabaran pada masa lalu. Kini, rakyat atau *stakeholders* semakin hari semakin menuntut perkhidmatan yang lebih cepat, cekap, telus dan efektif. Kita perlu melaksanakan tugas dan amanah tersebut dengan penuh tanggungjawab dan berkesan. Adalah diharapkan bahawa warga kerja MBSP akan dapat sentiasa memberikan perkhidmatan yang cemerlang kepada rakyat bagi memenuhi keperluan dan aspirasi mereka. Kita harus terus melengkapkan diri dengan kemahiran terkini (*emerging skills*) bagi memastikan kita dapat memberi perkhidmatan yang relevan dan berkualiti kepada rakyat.

Saya amat mengharapkan agar semua kakitangan MBSP terus mengekalkan momentum kecemerlangan dalam memberi perkhidmatan yang terbaik kepada rakyat dan Negara serta menyokong dan menjayakan Wawasan *Penang2030* dan Visi MBSP iaitu Seberang Perai Resilient, Inklusif, Hijau, Kompetitif dan Bandar Pintar Dipacu oleh Teknologi (*Seberang Perai Resilient, Inclusive, Green, Competitive and Technology Driven Smart City*) dengan terus memberikan komitmen yang terbaik di

dalam pelaksanaan tugas dan tanggungjawab yang diberikan dan sentiasa menjaga nama baik organisasi. Bukan mudah untuk meletakkan MBSP sepertimana tahap sekarang ini. Tetapi saya yakin dan percaya dengan adanya kerjasama dan usaha kita pasti dapat lakukan yang terbaik.

Di kesempatan ini juga saya mengucapkan jutaan terima kasih kepada ANULAE dan juga CUEPACS, terutama kepada Presiden CUEPACS, Yang Berhormat Tuan Haji Adnan Bin Mat di atas kesungguhan dan komitmen dalam bersama-sama membantu usaha-usaha mempertingkatkan lagi prestasi, produktiviti dan kebajikan penjawat awam.

Saya berharap agar kita semua dapat bekerja dalam satu pasukan yang mantap dan menepis segala sikap yang tidak baik dalam diri kita serta memberikan komitmen penuh dalam menjayakan program-program MBSP dan saya pasti dengan komitmen ini, "*Seberang Perai – Aspiring City Of Tomorrow*" dapat direalisasikan.

Terima Kasih, Xie Xie, Nandri, Thank You

Sekian, Wabillahi Taufik Wal Hidayah, Wassalamualaikum Warahmatullahi Wabarakatuh dan terima kasih.